

ТОШКЕНТ ОҚШОМИ

Газета 1966 йил
1 июлдан
чиқа бошлаган

ШАХАР ИЖТИМОЙ-СИЁСИЙ КУНДАЛИК ГАЗЕТАСИ

№ 19 (11.330)

Баҳоси эркин нархда

МАМЛАКАТИМИЗДА

● Тошкентдаги Олий ҳарбий божхона институтида Олий Мажлис Қонунчилик палатаси Мудофаа ва ҳавфсизлик масалалари кўмитаси ташаббуси билан ташкил этилган давра суҳбати бўлиб ўтди. «Минтақада ҳавфсизлик ва барқарор ривожланишни таъминлашда Ўзбекистоннинг ўрни» мавзига бағишланган мазкур йиғилишда Мустақиллик йилларида минтақада ҳавфсизлик ва барқарорлиқни таъминлашга алоҳида эътибор бериб келинаётганлиги ҳамда тинчлик ва барқарорлик тўғрисида мамлакатимизда амалга оширилаётган ислохотлар муваффақиятли бораётганлиги таъкидлаб ўтилди.

● Кеча Тошкентдаги «Ўзэкспомарказ» мажмуида иш бошлаган кўргазмали семинар солиқ тизимидаги янгиланишларни тарғиб қилиш, уларнинг аҳамиятини кенгроқ тушунириш масалаларига бағишланди.

● Карши шаҳрида Европа тикланиш ва тараққиёт банки «BAS» дастурининг тақдироти бўлиб ўтди. Унда иштирок этган тадбиркорлар ва ишбилармонлар мамлакатимизда Япония ҳукуматининг кўмағида фаолият бошлаган янги дастурнинг мақсад ва йўналишлари билан яқиндан танишдилар.

● Ўзбекистон Республикаси Ички ишлар вазирлиги ва «Маҳалла» хайрия жамғармаси ҳамкорлигида ташкил этилган «Намунали милиция таянч пункти» кўрик-танловининг Бухоро вилояти босқичи бўлиб ўтди.

● «Маҳалла» жамғармасининг Жиззах вилояти бўлимида «Фуқаролар йиғинининг энг яхши яраштириш комиссияси» Республика кўрик-танловининг вилоят босқичи ўтказилди. Унда Жиззах шаҳри ва туманларда голибликни қўлга киритган 13 та фуқаролар йиғинларининг яраштириш комиссиялари раислари иштирок этди.

● Нукус шаҳридаги 37- «Жувозчи» маҳалла фуқаролар йиғини худудидида «Корақалпоқўштутсавдо» акциядорлик жамиятига қарашли замонавий меъморчилик аъналари асосида бунёд этилган янги дўкон очилди. Бу ерда керакали озиқ-овқат маҳсулотлари ҳамда уй-рўзғор буюмларини харид қилиш мумкин.

● Янгибозор шаҳарчасидаги 1-болалар ва ўсмирлар спорт мактаби ташаббуси билан Қишлоқ тараққиёти ва фаровонлиги йилига бағишланган 1993-1995 йилда туғилган маҳалла ёшлари ўртасида футбол мусобақаси ўтказилди.

● Хива туманидаги «Бекчон уста» фермер хўжалигида гишт ишлаб чиқариш йўлга қўйилди. Бунинг учун фермер хўжалиги ўз маблагини ҳисобидан 90 миллион сўм сарфлаб, завод қурди. Бу ерда қишлоқ ёшлари учун 30 та янги иш ўрни яратилди.

ЖАҲОНДА

● Бугун Швейцариянинг Давос шаҳрида Бутунжаҳон иқтисодий форуми очилди. Унда кўрраи заминдаги юзта мамлакатдан давлат ва ҳукумат раҳбарлари, йирик иқтисодиётчилар ва бизнесменлар қатнашмоқда. Форум «Инқироздан кейинги дунёни шакллантириш» шiori остида ўтмоқда.

● Куба раҳбари Рауль Кастронинг 28 январь — 4 февраль куллари Россияга қиладиган расмий ташрифи давомида икки давлат ўртасида қатор меъёрий ҳужжатлар имзоланиши кутилмоқда.

● Германия ҳукумати чуқур молиявий инқироз шароитида мамлакат иқтисодиётини кўтариш учун 50 миллиард евро миқдоридида маблаг ажратилишини маълум қилди.

● Кеча жаҳон фонд биржаларида ўтказилган савдолар давомида нефт нархи 9 фоизга пасайди.

● Кеча Санкт-Петербургда ушбу шаҳарнинг фашистлар қамалидан озод этилганлигининг 65 йиллигига бағишланган кенг қўламли тадбирлар бўлиб ўтди.

● Ингушетиянинг Малгобек шаҳридаги кафелардан бирининг яқинида портлаш амалга оширилди. Маҳаллий ҳуқуқ-тарғибот идоралари маълумотларига қараганда, хунрезлик оқибатида кафенинг фақатгина ташқи кўринишига шикаст етган бўлиб, қурбонлар ёки жароҳатланганлар йўқ. Воқеа юзасидан текшириш ишлари олиб борилмоқда.

● Вьетнам марказидан оқиб ўтадиган Гиан дарёсида кеманинг ҳалокатга учраши оқибатида 40 киши суғга чўкиб кетди. Кема бортида бўлган 6 киши бедарак йўқолган. Қутқарувчилар уларни қидиришни давом эттирмоқда.

● Шри-Ланка армияси «Тамил Илам йўлбарслари» жангарилари назорати остида бўлган мамлакат шимоли-шарқидидаги сўнги шаҳар — Муллаиттунуни эгаллаганини маълум қилди.

● Каталониянинг унча катта бўлмаган Сант-Бои дель Лобригат шаҳрида спорт залининг қулаб тушиши натижасида тўрт нафар бола ҳаётдан кўз юмди, яна бир неча киши турли даражадаги тан жароҳатларини олди. Ушбу бахтсиз ҳодисага кучли шамолнинг эсиши сабаб бўлгани айтилмоқда.

● Оренбург шаҳрида ўтказилган автотранспорт пайтига пойгачи машина ҳайдовчиси автоуловни бошқара олмай муҳлислар тўдасига келиб урилган. Натижада бир киши ҳалок бўлган, 9 нафар томошабин эса турли даражадаги тан жароҳатларини олган. Ҳалокат жойида томошабинларни муҳофаза қилувчи ҳеч қандай тўсиқ бўлмаганлиги аниқланди. Ушбу ҳодиса юзасидан прокуратура томонидан жиноий иш очилди.

ПОЙТАХТНИНГ БИР КҮНИ

Янгиликлар, воқеалар

Киска сатрларда

● БУГУН шаҳримизда пойтахтимизнинг 2200 йиллигига бағишланган «Тошкент шаҳрининг иқтисодий ва инвестицион салоҳияти» халқаро бизнес-форуми очилди. Ушбу тадбир Ташки иқтисодий алоқалар, инвестициялар ва савдо вазирлиги, Тошкент шаҳар ҳокимлиги ва Савдо-саноат палатаси томонидан ташкил этилмоқда.

● ЎЗБЕКИСТОН тарихи Давлат музейида Маънавият тарғибот марказининг Тошкент шаҳар бўлими билан ҳамкорликда Тошкент шаҳрининг 2200 йиллик юбилейига бағишланган тадбирлар марафони ўтказилмоқда.

● БУГУН Ҳамза машинасозлар касб-хунар коллежи ахборот-ресурс маркази ҳамда «Тенгдош» маданият уйи ҳамкорлигида Ҳамза туман маданият ва спорт ишлари бўлими ташаббуси билан ёшлар иштирокида ўтказилган тадбир «Буюк келахак сари» деб номланди.

● РЕСПУБЛИКА мудофаага қўмаклашувчи «Ватанпарвар» ташкилоти қошидаги Тошкент бирлашган техника мактабидида ўтказилган тадбирда битирувчи курсантларга дипломлар топширилди.

● КЕЧА Ўзбекистон Халқ демократик партияси Марказий Кенгаши ижроия кўмитасида ўтказилган йиғилишда Қишлоқ тараққиёти ва фаровонлиги йиллида партия томонидан бажариладиган ишлар муҳокама этилди.

● КЕЧА «Ўзбекистон ҳаво йўллари» Миллий авиакомпанияси ташкил этилганлигининг 17 йиллигига бағишлаб шаҳримизда соҳа мутахассислари иштирокида ўтказилган матбуот анжуманида авиакомпания томонидан шу кунгача бажарилган ишлар ва келгуси режалар муҳокама қилинди.

● КЕЧА Тошкент шаҳар авиасозлик касб-хунар коллежида ўрта махсус касб-хунар таълими муассасалари ўқувчилари ўртасида «Касб маҳорати» кўрик-танловининг металл кесишда дастурхон билан ишлаш йўналиши бўйича республика босқичи ўтказилди.

● БУГУН Миробод туманидаги Фафур Фулом номи маданият уйида «Ёшлар — келажагимиз» мавзусида уюштирилган тадбирда бадиий хаваскорлик жамоалари, ўқув курслари, катнашчилари, тўғарақлар раҳбарлари иштирок этишди.

(Тошкент шаҳар ҳокимлигининг Ахборот хизмати ва ўз мухбирларимиз хабарларидан).

ПРЕЗИДЕНТИМИЗ ИСЛОМ КАРИМОВ ТАШАББУСИ БИЛАН МАМЛАКАТИМИЗДА ФУҚАРО АВИАЦИЯСИНИ 2020 ЙИЛГАЧА РИВОЖЛАНТИРИШ ДАВЛАТ ДАСТУРИ ҚАБУЛ ҚИЛИНИБ, ИЗЧИЛ АМАЛГА ОШИРИЛМОҚДА. УШБУ ДАСТУРДА САМОЛЁТ ПАРКИНИ ТЎЛИҚ МОДЕРНИЗАЦИЯ ВА УНИФИКАЦИЯ ҚИЛИШ, ГАРБ МАМЛАКАТЛАРИДА ИШЛАБ ЧИҚАРИЛГАН ЛАЙНЕРЛАРГА ТЕХНИК ХИЗМАТ КЎРСАТИШ БЎЙИЧА ЗАМОНАВИЙ БАЗАНИ ТАШКИЛ ЭТИШ, ЕР УСТИ ИНФРАТУЗИЛМАСИНИ РИВОЖЛАНТИРИШ, ҲАВО ҲАРАКАТИНИ БОШҚАРИШ ТИЗИМИНИ ТУБДАН РЕКОНСТРУКЦИЯ ҚИЛИШ, МАМЛАКАТИМИЗДА ЮҚОРИ МАЛАКАЛИ КАДРЛАР ТАЙЁРЛАШНИ ЙЎЛГА ҚЎЙИШ КЎЗДА ТУТИЛГАН.

Ушбу вазифаларни ҳал этишда асосий масъулият «Ўзбекистон ҳаво йўллари» миллий авиакомпанияси зиммасига юкланган. 1992 йил 28 январда ташкил этилган ва кескин рақобат шароитида халқаро ташкилот бозори иштирокчисига айланган авиакомпаниямиз ўтган йиллар мобайнида миқдорлар ишончини қозонди ҳамда фаолият қўламини кенгайтирди.

«Ўзбекистон ҳаво йўллари» миллий авиакомпанияси бош директори В.Таниннинг айтишича, авиакомпаниянинг 2007-2008 йилларда «Boeing» ва «Airbus» ҳаво кемаларини ишлаб чиқарувчи йирик компаниялар билан тузган янги шартномалари авиация соҳаси жадал ривожланаётганидан далолат беради. Янги лайнерларни етказиб бериш 2011 йилдан бошланади. Шу тариқа «Ўзбекистон ҳаво йўллари» миллий авиакомпаниясининг истиқболдаги техник сисвати тўлиқ шакллантирилди.

Эскирган ҳаво кемалари ўрнини жаҳон авиация саноати етакчилари томонидан ишлаб чиқарилган замонавий, шинам ва телемажор машиналар эгаллади. Бугун миллий авиакомпаниямиз «B-767-300ER», «B-757-200», «A-310», «RJ-85» русумидаги ҳаво лайнерлари, ўзимизнинг турбовентиляторли «Ил-114-100» самолётларидан фойдаланмоқда. «В.П.Чкалов номидаги Тошкент авиация ишлаб чиқариш биноси» давлат-акциядорлик жамияти ўтган йили авиакомпаниямизга иккинчи «Ил-114-100» самолётини етказиб берди. 2009 йилда юртимизда ишлаб чиқарилган ҳаво кемалари парки яна бешта ана шундай самолёт билан тўлдирилди.

Бугунги кунда мамлакатимиз миллий авиация соҳасига қўлаб йўловчилар ишонч билдираётгани бежиз эмас. Парвозлар ҳавфсизлигини таъминлаш «Ўзбекистон ҳаво йўллари» миллий авиакомпанияси фаолиятининг устувор вазифаси ҳисобланади. Бу борадаги вазифалар авиация фаолиятида кўзда тутилган барча зарур технологик тадбирларни бажариш орқали амалга оширил-



АВИАКОМПАНИЯ ЯНГИ УФҚЛАРГА ИНТИЛМОҚДА



моқда. 2008 йил авиакомпаниямиз учун янги ютуқларга бой бўлди. Компания 17 йил давомида илк бор йўловчилар ташаббуси билан икки миллионлик маррани забт этди: 2008 йилда «Ўзбекистон ҳаво йўллари» 2 миллион 69 минг 343 нафар йўловчинини ўз манзилига етказиб қўйди. Ташилган юклар миқдори эса 22,2 минг тоннадан ташкил этди. Бу 2007 йилга қараганда 6,4 фоиз кўпдир.

Шунингдек, ўтган йили авиакомпания ўз мижозларига янги хизмат тури — электрон чиптани тақдир этди. Бунинг учун миллий авиакомпания аэропортларида тегишли ускуналар ўрнатилди, тизим ва дастурлар жорий этилди. Ҳозир электрон чипталар тизими аънавий қоғоз чипталар билан биргаликда амалда қўлланилмоқда.

Бундан ташқари, дунёда юк ташини бўйича етакчилардан бири бўлган «Korean Air» авиакомпанияси билан тузилган шартномага мувофиқ, «Навоий» аэропорти базасида халқаро логистика марказини ташкил этиш лойиҳаси амалга оширила бошлади. Ўзбекистонда халқаро аэропортларда транспорт-логистика марказининг яратилиши Президентимизнинг 2008 йил 2 декабрда қабул қилинган «Навоий вилоятида эркин индустриал-иқтисодий зона ташкил этиш тўғрисида»ги фармонида белгиланган вазифаларни ҳал этишга ёрдам беради.

Ҳаво ҳаракатини бошқариш тизими ва ускуналарини, аэропортлар ер усти инфраструктурасини модернизация қилиш ишлари давом эттирилмоқда, махсус техника янгилан-

моқда. Айни пайтда «Ўзбекистон ҳаво йўллари» миллий авиакомпанияси «Sky Team» глобал авиация альянсини қўшилиш билан боғлиқ қатор зарур тадбирларни амалга оширмоқда. Авиакомпаниямиз ушбу альянсга қўшилган, йўловчилар кенг қўламли, жумладан, тез-тез парвоз қиларининг йўловчилар учун мўлжалланган имтиёзларга, дунё бўйича ҳаво қатновлари тармоғига ва мижозлар, «Sky Team» тармоғи ичида қаерда саёхат қилишдан қатъи назар, интеграцияланган хизматларга эга бўлади.

Авиация тармоғининг муваффақиятли ривожланиши — аввало, юқори малакали мутахассислар, яъни ўқувчилар, авиация техникалари, ер усти хизматлари мутахассисларининг хизматидир. Бу ерда ишнинг пухта йўлга қўйилгани ва ходимларнинг ўз ишига масъулият билан ёндашиши йўловчиларни манзилига етказиб қўйишда қўлайлик яратмоқда ва юкларини узлуқсиз ташини таъминламоқда. Буларнинг барчаси, ўз навбатида, «Ўзбекистон ҳаво йўллари» миллий авиакомпаниясини янада ривожлантириш ва унинг олдида турган вазифаларни муваффақиятли ҳал этиш имконини бермоқда.

В.НИКОЛАЕВ,
ЎЗА мухбири

ЯҚИНДА ТОШКЕНТ ДАВЛАТ ИҚТИСОДИЁТ УНИВЕРСИТЕТИ (ТДИУ) ДЕЛЕГАЦИЯСИ НИДЕРЛАНДИЯДАГИ ФОНТИС УНИВЕРСИТЕТИДА БЎЛИШДИ. МАЗКУР ТАШРИФ ЧОғИДА ИККИ ОЛИЙ ТАЪЛИМ ДАРГОҲИ ВАКИЛЛАРИ ЎЗАРО ҲАМКОРЛИККА ОИД МАСАЛАЛАРНИ МУҲОКАМА ЭТДИЛАР.

ЎЗБЕКИСТОН ВА НИДЕРЛАНДИЯ УНИВЕРСИТЕТЛАРИ ҲАМКОРЛИГИ МУСТАҲКАМЛАНМОҚДА

ТДИУ ректори Б. Ходиев билан Фонтис университети вице президенти Ян Хубен ва Маркетинг менежменти институти директори Тон ван ден Хеувел ўртасида ўтган мулоқот чоғида халқаро бизнес ва маркетинг йўналишида талабалар, ўқитувчи ва мутахассислар алмушави борасидаги қўша лойиҳаларни амалга ошириш юзасидан фикрлашилди.

Музокара яқини бўйича ТДИУ ва Фонтис университетлари ўртасида Ҳамкорликда бакалаврларни тайёрлаш ва битирувчилар дипломларини ўзаро тан олиш тўғрисидаги битим имзоланди. Мазкур ҳужжатда ўзбекистонлик талабалар гуруҳини Тошкент давлат иқтисоди-

ёт университетида уч йиллик тахсилни тамомлагач, ўқишни давом эттириш учун бир йил муддатга Фонтис университетида юбориш ва уларнинг Нидерландиядаги компанияларда амалиёт ўташи кўзда тутилган.

ТДИУ ректори Фонтис университети таълим ва амалиёт ўташ тизими ҳамда мамлакатдаги қатор йирик компаниялар фаолияти билан ҳам танишди.

Фонтис университети Маркетинг менежменти институти директори Тон ван ден Хеувел Нидерландиядаги ушбу олийгоҳнинг икки томонлама ҳамкорликка қизиқиб билдираётгани бежиз эмаслиги, эеро ТДИУ нафақат Ўзбекистон, балки бутун Марказий Осиё минтақасида иқтисодиёт соҳасидаги кадрларни тайёрловчи етакчи таълим даргоҳи эканини қайд этди.

Ташриф ва унинг доирасидаги учрашув ва музокара-ларар Ўзбекистон билан Нидерландия таълим муассасалари ўртасида шериклик ва ўзаро манфаатли алоқаларни кенгайтиришга томонларнинг қизиқиши билдираётганини маъносиз этди.

«Жаҳон» АА, Брюссель

Олий Мажлис Қонунчилик палатасида АХБОРОТ ХИЗМАТЛАРИ РИВОЖИ ЙЎЛИДА

ЎЗБЕКИСТОН РЕСПУБЛИКАСИ ОЛИЙ МАЖЛИСИ ҚОНУНЧИЛИК ПАЛАТАСИДА ЖАМОАТЧИЛИКНИ ТЕЗКОР ВА ХОЛИС АХБОРОТ БИЛАН ТАЪМИНЛАШДА АХБОРОТ ХИЗМАТЛАРИ ФАОЛИЯТИ САМАРАДОРЛИгини ОШИРИШНИНГ ДОЛЗАРБ МАСАЛАЛАРИГА БАҒИШЛАНГАН СЕМИНАР БЎЛИБ ЎТДИ.

Парламент қўйи палатасининг Ахборот ва коммуникация технологиялари масалалари кўмитаси томонидан ташкил қилинган ушбу анжуманда тегишли вазирлик ва идоралар, жамоат ташкилотларининг ахборот хизматлари раҳбарлари, оммавий ахборот воситалари вакиллари иштирок этди.

Мазкур кўмита раиси А.Мўминов бошқарган тадбирда жамиятнинг ахборотлаштириш даражаси ошириб бораётган ҳозирги шароитда жамоатчиликка тезкор, ҳолис ва жаҳоний ахборот етказишдек долзарб вазифа кун тартибидида турганлиги алоҳида таъкидланди.

Жаҳон миқёсида кечаётган глобаллашув жараёнлари давлатлар ва халқлар ўртасида интеграция ва ҳамкорлик алоқаларини кучайтириш билан бирга, мафқуравий таъсир ўтказишнинг ўткир қурлига айланиб, турли сиёсий қўлаб ва марказларнинг манфаатларига хизмат қилаётгани, айниқса, «оммавий маданият» воситасида аҳолининг кенг қатламли-

ри, биринчи навбатда, ёшларнинг қалби ва онгини эгаллашга қаратилган уринишлар, турли ахборот хуружлари тобора кучайиб бораётгани қайд этилди. Бунинг олдини олишда ахборот хизматлари алоҳида аҳамият касб этади.

Семинарда соҳадаги мавжуд муаммоларни ҳал қилишда халқаро тажриба ва амалиётдан фойдаланган ҳолда ахборот хизматлари учун кадрлар тайёрлаш, уларнинг оммавий ахборот воситалари билан ҳамкорлиги самарасини янада ошириш масалаларига эътибор қаратилди.

Шунингдек, ахборот хизматлари фаолиятини такомиллаштиришда замонавий ахборот технологияларидан фойдаланиш, бу борада аниқ мониторинг олиб бориш, ахборот хизматларининг моддий-техник базасини мустаҳкамлаш, ходимларнинг касб маҳоратини ошириш юзасидан тавсиялар берилди.

(ЎЗА)

ОЗ-ОЗ ЎНГАНИД

МАШРИҚЗАМИН — ХИКМАТ БЎСТОНИ

ХИКМАТЛАР АВАЗ ЎТАР

Бу икки хислат бирла бўл машҳар жаҳон мулкидаким, Бор филхақиқат бу икки афёул инсон хислати.

Ул кишиким, доимо бордур кабиҳ атвор анга, Халқи олам ичра йўқ, албатта, Нангу ор анга. Фалони сифлаким гардуни дуннинг гардиши бирла, Йигибдур бир замон ичра жаҳон молин Фаридундек. Мусулмонларни бошига солиб юз офату гавго, Килур бўстонлар айлаб гусса бирла багрина хундек. Хасосат лوفини ҳеч ким онга бешак ура олмас Накўтар эрди они бу нафас ер ютса Қорундек.

МУҲАММАД ЮСУФ РОЖИЙ ХОРАЗМИЙ

Хусн даврони ганиматдур, нигоро, раҳм қил, Ҳар баҳор ўлса хазон осеби бордур бот анга.

Рожий, жаҳон гамию нишотиға йўқ сабот, Бехуда чекма ёз ила қиш ранжи гарму сард.

Ваҳшатафзойи табъдурур тундҷўйлиғ, Оқил хамиша соҳиб илми виқор ўлур.

Оқил эрсанг, бўлма мағрур иззатиға чархнинг, Сочса анжумдин агар бошинг уза гавҳар куёш.

Алифдек рост қаддинг ҳасрати қадимни ё қилмиш, Хаёли оташин лаълингда ўт жонимда ёқилмиш.

Улки кўпдур хирса дунёға эрур доим ҳазин, Бўлмағил гар истар эрсанг хотиринг хуррам ҳарис.

Топди бир ишиға ҳар киши оламда хослиғ, Жоҳилға роҳат ўлди-ю, доно аноға хос.

Кўнглинги жами фазлға гар муштамилдурур, Андин не суд, айламаса иштимли файз?

Бўлғил кўнгул хузуриға машғул муттасил, Руҳинг била агар тиласанг иттисоли файз.

Шеванг ўлсун кўнгулға ниёз фақат, Бўлма кибер ила сарфароз фақат.

Чекти ар-ар чу кибер ила қомак, Мевасиз бўлди бир дароз фақат.


Чикорма ёр хаёлини бир нафас дилдан, Тилар эсанг агар олам аро давоми нишот.

Рожий, талабни айла расо истасанг камол, Ҳеч ерда йўқ эмиш талаб норасоға ҳаз.

Эргаш ОЧИЛОВ тайёрлади



Айтиш жоизки, Тасвирий санъат галереяси ўзининг кўргазмалари доирасида турли жанрлар ҳамда замонавий санъатнинг йўналишлари ва услублари га алоҳида эътибор бериб келмоқда. Кўргазманинг очилиш маросимида сўзга чиққан таникли рассомлар, санъатшунослар Баёт Мухторовнинг самарали ижоди ва санъати ҳақида илиқ фикрларни билдирдилар. Маълум бўлишича, Баёт Мухторов асли андижонлик. Рассомчиликка бўлган ҳавас ва қизиқиши уни Тошкент театр ва рассомчилик (ҳозирги Ўзбекистон Давлат санъат) институтининг ма-



ҳобатли-декоратив пластика бўлимига ўқишга етаклади. Талабалик йилларида ҳам ўқиш билан бирга ижод қилиб кўплаб асарлар yaratди. Бугунги кунда Ўзбекистон Бадий академиясининг Бадий ижодкорлар уюшмаси аъзоси, шунингдек, турли хил республика ва халқаро кўргазмалар иштирокчисидир. Москва шаҳридаги «Ўзбекистон замонавий санъати», Санкт-Петербургдаги «Ўзбекистон рассомлари», Москвадаги «Ориент» галереясида ташкил этилган шахсий кўргазмаси шулар жумласидандир. Булардан ташқари Оқтош ва Читада бўлиб ўтган симпозиумлар қатнашчисидир. Шуни ҳам таъкидлаш кераки, Баёт Мухторов ижодий фаолияти давомида муаллимлик ҳам қилган. Жумладан, Беньков номидаги Республика рассомчилик билими юртида ва К.Бехзод номидаги Миллий рассомлик ва дизайн институтида талабаларга сабоқ берган.

Кўргазмалар ЎЗИГА ХОС ИЗЛАНИШЛАР САМАРАСИ

ЎЗБЕКИСТОН ТАСВИРИЙ САЪНАТ ГАЛЕРЕЯСИДА КУНИ КЕЧА ОЧИЛГАН РАССОМ БАЁТ МУХТОРОВНИНГ «МАВҲУМ МУҲАББАТ ШЕЪРИЯТИ» НОМЛИ КЎРГАЗМАСИ САЪНАТ ШИНАВАНДАЛАРИ ДИҚҚАТИНИ ЎЗИГА ЖАЛБ ЭТМОҚДА. МАЗКУР КЎРГАЗМА РАССОМНИНГ ЎЗБЕКИСТОН ДАСТХОЛИ ҲАЙКАЛТАРОШЛИГИНИНГ РИВОЖЛАНИШИДА ЎЗИГА ХОС ИЗЛАНИШЛАРИ САМАРАСИДИР.

бат шеъриятига эътиборини қаратиб, пластик ечимини ўзгача таҳлил қилган ҳолда ижод қилади. Баёт Мухторовнинг образлари кўз олдида гавдаланган ҳолда, бўлакчалардан иборат бўлиб, белгиларни ҳосил қилади. Шу билан бир вақтинг ўзида улар руҳий аҳамиятга эга бўлиб, қизилган инсоннинг мураккаб дунёқарашини очиб беради. Рассомнинг асарлари Ўзбекистон Давлат санъат марказида, галереяларда, шахсий тўпламларда Россия, Голландия, Италия, Эрон ва ҳоказоларда мавжуд ҳамда турли хил халқаро кўргазмалар дипломлариға эга.

Мазкур кўргазма 5 февралга қадар давом этади. Дилором ИКРОМОВА СУРАТЛАРДА: Баёт Мухторовнинг шахсий кўргазмасидан лавҳалар. Алексей Попов олдган суратлар

Спорт янгиликлари ЖАҲОН ЧЕМПИОНАТИГА ТАЙЁРЛАРИК

ЖОРИЙ ЙИЛНИНГ 10-20 ЯНВАРЬ КУНЛАРИ ФУТБОЛ БЎЙИЧА ДОХАДА ЎТКАЗИЛГАН «ДЎСТИК» ХАЛҚАРО ТУРНИРИДА ЎЗБЕКИСТОН ЁШЛАР ТЕРМА ЖАМОАСИ МУНОСИБ ИШТИРОК ЭТДИ. ШУ МУНОСАБАТ БИЛАН ЎЗБЕКИСТОН ФУТБОЛ ФЕДЕРАЦИЯСИДА БОШ МУРАББИЙ АҲМАД УБАЙДУЛЛАЕВ ИШТИРОКИДА МАТБУОТ АНЖУМАНИ ТАШКИЛ ЭТИЛДИ.

Катардаги мусобақа Мисрда бўлиб ўтайдиган жаҳон чемпионатиға тайёргарликнинг бир босқичи сифатида қўрилган эди, — деди А.Убайдуллаев. — Мусобақадан кўзланган асосий мақсад биринчи ўринни эгаллаш эмас, балки футболчиларнинг маҳоратини ошириш, янги тактикаларни кўлаша ҳамда ўзини амалиётини ошириш эди. Сарик қўтанинг ўтган йилги вице чемпиони Осиё чемпионатида бўлгани каби «Дўстлик» турнирининг финалида тўп суришди. Албатта ҳамюртларимиз учун хал қилувчи урчашува қадар етиб бориш осон бўлгани йўқ. Гуруҳ ўйинларида Беларусь, Малайзия ва турнир мезбони Катар ёшлар термасидан устун келган вакилларимиз ўз гуруҳларида биринчи ўринни кўлга киритиб плей-офф босқичиға йўл олишди. Ярим финалда эса улар турнирнинг амалдаги чемпиони япониялик ёшларни 3-2 ҳисобида мағлуб этиб финал йўлланмасини кўлга киритди.

— Япониялик футболчилар билан кечган ўйин биз учун энг қийини бўлди, — деди Аҳмад Убайдуллаев. — Кунчиқар юрт вакиллари ёшлар ўртасида жаҳон чемпионатиға йўллангани кўлга кирита олмаганликлари сабаб бор эътиборини олимпия ўйинларининг саралаш босқичиға тайёргарлик қўришга қаратишган. Табиийки олимпия терма жамоасида шоғирдларимдан бир ёш катта бўлган футболчилар тўп сурди. Лекин шундай бўлишиға қарамай жамоамиз японияликларни орда қолдириб, хал қилувчи урчашувада иштирок этди.

Финал ўйинида суриялик футболчиларға кичик 0-1 ҳисобида имконият бой берилганини Аҳмад Убайдуллаев футболчиларнинг толиққанлиги билан изохлади. Аниқроғи ярим финалдаги чарчоқ аломатлари ҳал қилувчи ўйинға тасъирини ўтказган. Мураббий кейинги режалари билан ўртоқлашар экан, энди асосан Европа мамлакатларида йиғинлар ташкил этишни ва кучли термалар билан назорат урчашуварини ўтказишни мақсад қилганини таъкидлади.

Умид қиламизки 2009 йилнинг куз фасли ҳам худди ўтган йилги каби ўзбек футболни тарихидан муносиб ўрин олади.

ПОЙТАХТДАГИ «УЧТЕПА» СПОРТ МАЖМУАСИДА ТУРОН ЯККА КУРАШ СПОРТ ТУРИ БЎЙИЧА МАМЛАКАТ ЧЕМПИОНАТИ ЎТКАЗИЛМОҚДА.

Унда Тошкент шаҳри, Қашқадарё, Навоий ҳамда Сирдарё вилоятдан келган икки юздан ортиқ полвонлар етти вазн тоифасида ўзаро куч синашмоқда.

Турон якка кураши халқаро мақомни олган миллий спорт турлари қаториға қиради. Шу боис ушбу спорт тури мамлакатимиз ёшлари орасида кундан-кунга омма-лашиб бормоқда.

Мусобақада Сардор Пиримқулов, Аббос Норқўжаев, Жасур Диёров ва Муҳаммад Каримов сингари иқтидорли курашчилар терма жамоа сафидан жой олишға асосий даъвогарлардан ҳисобланишади.

Терма жамоа яқин кунларда минтақавий биринчиликка йўл олиши лозим. Шу боис мазкур турнирда голиб бўлганлар жорий йилнинг февраль ойида ўтайдиган республика чемпионатиға йўлланма олади.

«ЗЕНИТ» МАҒЛУБ ЭТИЛДИ

БИРЛАШГАН АРАБ АМИРЛИКЛАРИДА ЎҚУВ-ЙИГИН МАШҒУЛОТЛАРИНИ ОЛИБ БОРАётган ФУТБОЛ БЎЙИЧА ЎЗБЕКИСТОН МИЛЛИЙ ТЕРМА ЖАМОАСИ АЪЗОЛАРИ ДАСТЛАБИ НАЗОРАТ УЧРАШУВИНИ САНКТ-ПЕТЕРБУРГНИНГ «ЗЕНИТ» ЖАМОАСИГА ҚАРШИ ЎТКАЗИБ 1-0 ҲИСОБИДА ҒАЛАБА ҚОЗОНДИ.

Элдор Магдиевнинг еттинчи дақиқада киритган ағона голи эвазига жамоамиз Россиянинг «Зенит» клубидан устун келди. 51 дақиқада Россия терма жамоаси ҳужумчиси белгиланган ўн бир метрлик жарима тўпини аниқ бажара олмади.

Энди Миржалол Қосимов шоғирдлари жорий йилнинг 28 январиде 2011 йилги Осиё чемпионатининг саралаш босқичи доирасида Бишлашган Араб Амирликлари терма жамоаси мезмони бўлишади. Бундан ташқари, миллий терма жамоа яна иккита ўртоқлик учрашувида иштирок этади. Улар Праганин «Славия» клуби ҳамда Озарбойжон терма жамоаларидир.

Рустам ХАЙДАРОВ, «Туркистон-пресс»

ТИЖОРАТ ХАБАРЛАРИ ВА ЭЪЛОНЛАР

«ТОШКЕНТ ОҚШОМИ» Эълонлар шанба ва якшанбадан ташқари ҳар кун соат 9.00 дан 16.00 гача қабул қилинади. Маълумотлар учун телефон: 233-28-95. Факс: (3712) 233-21-56. Манзилсимиз: Матбуотчилар кўчаси, 32-уй, 2-қават, 208-хона.

ЎЗБЕКТЕЛЕКОМ АК ФИНАЛИ «TOSHKENT SHANAR TELEFON TARMOG'I» АБОНЕНТЛАРИ ВА ИНТЕРНЕТ ПРОВАЙДЕРЛАРИ ДИҚҚАТИГА! Чет эл Интернет провайдерларига қайд этилмаган автоулашиш дастури кўп ҳолларда учраётганлиги сабабли, барча шахар телефон линиясига модем алоқаси орқали Интернет тармоғиға уланган абонентлар диққатиға! Якка тартибда фойдаланиладиган телефон эгалари телефондан амалға оширилган маҳаллий, шахарлараро ва халқаро телефон сўзлашуварлари учун тўлиқ моддий жавобгарлиқни зиммаларига оладилар.

МУАССИС: ТОШКЕНТ ШАҲАР ҲОКИМЛИГИ Буюртма Г-07

Бош муҳаррир Акмал АКРОМОВ Манзилсимиз: 100029, Тошкент шаҳри, Матбуотчилар кўчаси, 32

ТЕЛЕФОНЛАР: Эълонлар: 233-28-95, 236-57-65, факс: (3712) 233-21-56. Душанба, сешанба, чоршанба, пайшанба ва жума кунлари чиқади. Нашр кўрсаткичи — 563

Газета Тошкент шаҳар Матбуот ва ахборот бoshқармасида 02-1-рақам билан рўйхатта олинган. Ҳажми — 2 босма табақ, офсет усулида босилади. 4554 нухсада босилади. Қоғоз бичими А-2

Нашрни етказиб бериш масалалари буйица турар жойлариға почта бўлимлариға еки «Тошкент почтаминг»га — 233-74-05 телефониға мурожаат қилишингиз мумкин. Газета «Тошкент оқшоми»нинг компьютер марказида терилди ва саҳифаланди. «Шарк» нашрийт-матбос акциядорлик компанияси босмахоноси. Корхона манзили: «Буёк Турон» кўчаси, 41-уй.